





參寥子詩集卷之五

戲招李無悔秀才

淋漓一雨過秋山洗出西湖小霽天  
烟：魚鱗含倒景飄：羊  
角卷荒阡野塘白芡珠盈斗幽浦紅蕖錦繞舫  
冷炙殘盃當已  
厭好來波際弄嬋娟

西湖雪霽寄彥瞻

西湖漫天三日雪上下一色迷空虛  
曾巒沓嶂杳難辨彷彿樓  
觀疑有無饑雛乳獸失所食飛走阡陌空  
號呼中園却羨啄木  
鳥利觜自解謀朝晡曉來鐘鼓報新霽  
天半稍：分浮圖試憑  
高樓肆遠目千里顛倒羅瓊琚  
逡巡夜月出海角光彩猛射來  
城隅方壺圓嶠只在眼綽約恍晤神仙居  
咄哉浩景似欺壓謂



我不足為傳摸風流江左杜從事氣格豪贍凌相如安得飄飄  
跨鸞鵠手持栗尾來為書

次韻彥瞻舟次三敦見寄

雪消幽港漲漪漣草際晴絲罥細煙避將棹輕鷗翻點：亞墻脩  
竹靜娟：風流遠繼東山後詩句高凌北斗邊何日去尋陽羨  
路相攜青嶂弄雲泉

次韻彥瞻樊良道中

幾日官河凍不流朝來微暖始通舟江梅破蘂香猶淺汀草埋  
沙綠未浮脩網橫川魚乍集晴雲開野雪初收探珠既已從驪  
頷何用區：入海搜

寄張明甫朝奉

昔公令吾鄉綠髮氣方壯鳴絃坐高堂百里肅清曠良辰騁遨  
嬉繭足履青嶂當時陪杖屨笑語相頡頏論文希鄴都樂事敦  
可尚銅章既云解余亦航海悠悠：亘六載天角空相望竭來  
石頭城邂逅慰離愴攜手雨花臺俛仰得超放瓶盃徒京口舟  
舟抱微恙扁舟亂江來起我神益王浮雲共平生飄忽無定向  
去年客梁園麈尾紛冗長狙猿失林木憔悴無優况獨有青桂  
枝冰雪不凋喪惠然肯過從香積仍接餉秋風迫南還危帆高  
且張落日通津門轉盼增惋悵寢寐見高標幽魂驚夜帳相忘  
同海魚千里各雲浪

探梅

問訊風篁嶺下梅踈枝嶺蘂未全開繁英待得渾如雪霜曉無



人我獨來

歲寒亭

草枯蓬斷正紛：翠幹排簷不改陰自是孤根難挫抑驕霜傲  
雪本無心

與元規話別

湖水蒼茫四接天短篷孤榜數回旋想君東海東頭夢猶在汀  
洲白鳥邊

雷岫庵南千種梅含芳準擬為君開冷香秀色誰為主趣取花  
時更一來

春日

蘭英蕙萼競芳新左右吹香暗襲人江海久無騷客賦一枝唯

可薦靈均

清溪白石曉磷：洗露桃花兩岸新欲覓劉郎家住處但聞雞  
犬不逢人

春詞

輕雲著地柳垂絲百尺高臺獨步時遙愛南隣紅杏樹曉來新  
有過牆枝

濛：小雨暗池塘遠樹依微不辨行可是晚來風更惡杏花香  
亂撲回廊

冰開池面初浮綠日促花梢始破紅謾道春光來眼底茫然無  
意對芳叢

駐景樓



額：高樓古道旁樓前風物鬱攸：溪聲不斷來幽耳山色無  
時在小窓金鼎養丹嘗駐景玉樽傾酒屢空缸宋清賣藥長安  
市千載佳名與子雙

程公闢給事罷會稽道過錢塘因以詩見之

嘗聞鐘鼓過蓬萊席上無非八斗才刻燭揮毫公屢勝投壺飲  
酌客先頽老元格調真難繼短李風流不易陪鑑水稽山行樂  
處後車長是載鄒枚

江干千騎送朱輪父老無緣借寇恂吳國旌旗開白日越溪桃  
李失青春雄名素與珠星爛妙質長隨玉樹新當宁比聞思舊  
德萬方行見入洪鈞

寄濟明

茫乎一氣同渾淪瀰漫六合無邊垠吁哉破散幾千載被在萬  
物含其真清輕為天濁為地一一厚薄理自勻駑駘騏驥不並  
廐夜光魚目難相親錢郎少年稟清齋英姿綽欲揮等倫忠言  
讜論躡根本行義修篤無緇磷是家嚴君抱勁烈直筆曾預螭  
頭臣我昔浮游雲溪側傾蓋遇子情彌欣炎雲燒空五六月漾  
舟南郭吟青蘋溪流寬圍野橋碧溪樹靜嘯涼颿新奇探險取  
得佳句款壓柳憚江南春瓶孟屬我暫行役樂事一跌成參辰  
使君旋亦報西去紛紛萬變難重陳南山暮冬厚積雪剛茂不  
死期松筠

江行寄俞仲寬察院

潮回沙浦寒月落山未曉駕言江上行行遠心亦悄茆屋兩三



家鷄聲聞縹緲輕風颭垂楊芳枝何裊裊上有雙鳴禽下有蕙  
蘭草蒸蒸物已繁灼灼花更好時見頰尾鱗跳波泳紋藻即事  
起幽情情含結懷抱故交如參辰咫尺曠煙島紅日已三竿回  
轅白沙道但聞蕭葦間挈音飛杳杳

春日雜興

池南池北日融融水荇風蒲各占叢幸有花枝能照眼可無詩  
句補春工

城根野水綠透沱颭颭風舡掠岸過日暮蕙蘭無處採渚花汀  
草占春多

柳外披煙舒遠目花邊植杖坐芳茵能言百舌深藏葉解舞鷓  
雞不避人

雨闕中庭暖日浮春禽百種聚喧啾粉腰蜂子尤無賴撓遍花  
鬚未肯休

去歲春風上苑行爛窺紅紫厭平生而今眼底無姚魏浪蘂浮  
花懶問名

碧流如鏡轉春渠時送殘紅出雨餘可怕莓苔黏屐齒強扶筇  
竹過鄰居

雨洗樓頭碧瓦昏五更殘月墮金盆轆轤索轉玉繩曉花底宿  
禽無數喧

梅梢青子大於錢慚愧春光又一年亭午無人初破睡杜鵑聲  
在柳花邊

戢：籬根紫筍長滿城桃李罷芬芳東風雖是無情物送謝迎



繁亦更忙  
樹萱移菊助春榮  
沐雨踈風擢翠莖  
童子新能理  
荒穢不教蕭艾並叢生

雪堂雨中

梢林急雨暮淒淒  
簾幕風燈暗欲迷  
向曉請看南陌上  
一番紅素掩春泥

春日赤壁

灩灩春江水拍隄  
雙山出沒羨鳧鷖  
白沙青石無泥滓  
且逐東風進杖藜  
蕭瑟江梅樹  
空蘭芽猶短  
未成叢行窮  
赤壁山西路  
只有桃花一樣紅

留別雪堂呈子瞻

策杖南來寄雪堂  
眼看花絮老風光  
主人今是天涯客  
明日孤帆下渺茫

寄題徐德之先生閑軒

建安自古多俊髦  
徐子磊落尤其豪  
論兵說劍走湖海  
身勤事左無所遭  
綠林五枝已屠膾  
黑衣三衛羞徒勞  
歸來故山便卜築  
脫棄萬事輕鴻毛  
橫前澗水漱哀玉  
傍舍老樾藏飛猱  
山蔬何用羨梁肉  
鶴氅未必輸青袍  
追雲弄月有真趣  
慎勿輕語傳兒曹

九江與東坡居士話別

雲水黃樓赤壁間  
勝游長得共躋攀  
屠龍丹壑空三載  
窺豹悠愧一斑投  
錫雲林聊避暑  
絕江舟楫自東還  
求田問舍知何



處杖屨它時訪小山

贈潘邠老秀才

去年雲夢澤南州為訪太史嘗淹留東坡寒碧最佳處恨不得  
子同遨遊今年廬山深且宵感君忽來慰枯槁溪月嵩雲亦有  
情昨夜為君顏色好飄飄綠髮方妙年圖史滿腹皆精研揮毫  
應敵風雨快咳唾落紙珠璣圓廣文英豪僅數千逸群驥子誰  
與肩男兒窮通故有命勸子未宜嗟蹭蹬丈夫蓋棺事始定他  
日雄飛鵬鷲勁草論文未有涯匆匆別我却還家秋風更約  
通玄府共訪仙人卧彩霞

邠老嘗約余重會於太平觀

酬周元翁推官見贈

南來濟多俊良聲問逸發推周郎詞場較藝一戰捷筆陣獨

掃千人強炯然眉目行且貴驥足萬里看騰驤吟詩作賦不媚  
俗期與往者同芬芳斷璋殘壁忽我贈把玩溢目驚輝光自嗟  
行李久蕭瑟安得置之雲錦囊又聞跨馬欲過我此意思想君非  
渺茫山中草木最宜夏雨餘一一含幽香雛鶯乳燕學飛舞葉  
底啞咤調圓吭闌干笋蕨雖已老摧錯梅杏猶可嘗陰崖碧洞  
不受暑谷風習習吹衣涼提携為子掃盤石談笑共坐莓苔蒼  
宣毫越楮須盛載吟取佳句還巾箱

南康與曾子宣內翰

相別抵暮大風聞泊舟神林浦因以詩寄之

旗亭方喜會高標杞國天崩促去撓星渚風花朝冉冉神林雨  
脚暮蕭蕭飛流濺沫江翻怒拆岸頽沙蟹倚驕遙想英雄濟川  
手壯懷寧復畏傾搖



曾子開吏部服闋赴召道過廬山與余宿會東林觀子固舍人題名一首

驛騎駸駸破夕煙西來遇我虎溪前  
征途乍即應勞止陳迹重  
窺更泫然天上歸瞻新月山  
中行覩舊林泉感時撫事情何  
極且伴幽人此夜禪

過公擇藏書室

我公昔未仕託蹤此山阿  
牙籤列圖史萬卷堆嵯峨  
披剝得精要卷衣辭薜蘿  
一往三十年功名歎蹉跎  
公今陟臺省壯志應未磨  
出處獨不謬紛紛當奈何  
脫身早來歸挂冠舊庭柯  
松窓展故秩炯炯臨曦娥  
豈復求甚解聊將寄天和  
勿憂野馬集勿念虫網羅  
山祇善守護早晚潛揮訶

雙溪曉步懷少游子實

亭午炎威劇風溪破曉  
行紆餘憐野約錯落見長庚  
翻藻魚呈媚梢林露獻清  
二豪俱二闕此樂與誰并



參寥子詩集卷之六

寄王元均奉議昆仲

崇文學士後二子皆翹翹異哉荆山麓產此英瓊瑤婆娑翰墨  
場文彩相蔚饒頃我未知識寸心徒搖搖前年廣陵城會合如  
有招名都冠淮海氣象古所豪林園若棊置佳處遺塵囂良辰  
肯浪負杖策同嬉遨清談落玉塵疊疊如聞韶歲晏樂未闋離  
群復蕭蕭扁舟眇一葉出沒隨江潮雲山列千里廬霍尤岌堯  
孤懷喜自放跨躒豈憚勞所嗟無二陸相我吟風騷

廬山雜興

溪石斑斑舞碎光巖花冉冉馥幽香當時吳猛逢山處金闕橫  
開在上方



隔崖垂蔓蔚蒼蒼隱見莓苔舊石床定有飛仙集其下月明時  
復度笙篁

高松夾道夕陽明抱葉風蟬引細聲勸爾行人聊駐足出山無  
物更能清

星渚江邊月已生石橋歸路夜崢嶸西風散入松千樹翻覆銀  
河秋浪聲

宿回峰院寄黃擇中察院

秋堂立四壁物色夜蕭然藜床抱孤影起坐未成眠曾聽激高  
梧方動接虛警感至情先謝理具神預領銅壺漏未央扶杖起仿  
徨方塘溢繁荇冷月下踈篁躑躅步空除風帶裊霜裾泯余契  
幽獨悵子隔川途短短袖中書明發欲誰寄梁上木鯉魚儻能

將此意古亦有相思吾今何所遺浩歌望雲水期子與同歸

寄史院王正仲曾子開二學士

太史久不作千秋想前人朝廷理故事董職須絕倫青錢兩學  
士班馬相並隣婆娑金閨中婉孌得所親學海揚波瀾詞林藹  
芳春青編炳金釐允顯無曲陳翹：茂令德諤：規縉紳玉堂  
行見躋清切凌紫宸野人蹈江海放浪無邊垠相思邈何許共  
此青桂輪

寄東坡昆仲

江南十月天未霜木梢冉：猶青蒼煙沙篁竹媚兩岸亭午氣  
候如春陽吳墻楚柵自紛擾花鴨鷓鴣殊未忙深灣野浦望不  
劇葦間隱：聞漁棹黃昏無雲桂魄滿一川秀色傾銀潢何人



隔岸弄長笛吹風渡水聲悲涼蘭臺故人天一方美景樂事誰  
相將舡窓軟枕夜未央香：孤雲空飛揚

梅花寄章仲粹法曹

蕙死蘭枯驚歲晏玉蕤初發照溪寒從來吳苑墻頭見不似匡  
廬谷底看月浸繁枝香冉冉露浮紅萼曉團團：參軍詩格追何  
遜應笑山人自考槃

梅花

雲英繁：笑相重結子能參鼎鼎功茜杏妖桃緣格俗含芳不  
得與君同

造化推排力自強非關著意占年芳繁霜亂雪虛埋沒傾國人  
知有此香

枝頭灼灼爛生光弄日驕寒倚短墻欲賦却慙無妙手使人操  
筆憶何郎

寄福州太守孫莘老龍圖

公生自淮海弱不游群兒良哉白玉質烟烟無磷淄澡身以道  
德餘棄為文詞端能處庠序邈有孔孟姿一朝擅高名卓然動  
京師餘輝耀天末燁燁如斗箕校酬芸閣中精義無參差同時  
鷓鷯行半已翔鳳池兩登諫官室抗疏犯天威揚舲去江海曠  
歲成流離朱輪擁蒼雪五馬從合肥編氓仰遺愛墮淚存豐碑  
歸來遘風樹憔悴不展眉藉苦一室中四壁無重帷南鄰有古  
剎而我方棲遲杖藜時過公泣血聞嗟咨從容勸我坐一飯常  
共為蒸蒸沸古鼎款款投園葵客來慵應門客去知為誰禮喪



事云既始領吳門麾瓶孟走梁苑恨不相追隨秋風亟東下旌  
旆俄已睽浮川與遵陸多病亦云疲七閩富名山空翠相逶迤  
在昔慕仁智於今慰遨嬉棠陰想初坐吏案紛交馳庖刀一爲  
解往往無才遺交秋薦丹實梅雨裁纖絺黃金燕佳客柔指鳴  
哀絲萬事不芥蒂羨公能自怡

聞子由舟及南昌以寄之

高安居士實人龍五載南遷道愈豐域外城池剛自守人間膏  
火詎能攻屢嗟江海星霜隔行喜雲林笑語同五老峰前佳氣  
象待君一醉吐長虹

和子由彭蠡湖遇風雪

夫子經濟材妙質靜而默當年大廷中如堵觀射策雄哉賢父

兄一日並輝赫勲業望夔龍寧論二千石扶搖吝不借困此垂  
天翼五載貶筠陽區區按尋尺鹽車厄驥足道路行歎惜脫身  
當歲晏行李唯典籍高懷久達觀不見憔悴色悠悠東下舡晚  
次彭蠡側江風忽崩騰江水翻且黑飄風斷黃蘆落鴈委砂磧  
鵝毛飛雪片滿野來無極龍驤飛萬斛欲進不可得淹留向汀  
灣蕭瑟日將夕黃昏勢漸壯夜半已堆積魚龍亦悲嘯凜氣增  
几席青燈冷不眠坐漱元和液危檣翻曉鴉霽日動窻隙褰幃  
望廬山萬仞絕寸碧茫茫銀世界蕩蕩月闌域順流復前趨百  
里俄頃刻暫停篙櫓喧却著登山屐五老笑相迎千品委圭璧  
紛紛林下士洗眼莫一識松門共邀迓香霧浮羃羃相將擁  
寒爐軟語同夙昔堂堂赤眼師既往有遺跡惇然宰堵波縹緲



根石壁清晨陪拄杖緩步躡山肋裴回憇蒼嶺左右抗松握猿  
猱侮僮僕上下或戲劇巴僧眉半雪解后語鄉國却返朱砂峰  
招提更岑寂中藏李氏書盛事誇絕特東坡老居士邇亦有題  
墨一覽慰君心都忘遠行役

寄俞秀老清老二居士

風溪雲巘雪消初鳥變春聲滿屋除安得故人同蠟夜石梁斜  
日看游魚

落星江水接天流花絮飛時暮雨收波底鯉魚東去否尺書煩  
汝到揚州

慚愧君家好弟兄風流宜與晉人并青鞋布襪能從我共入廬  
山深處行

廬山道中懷子瞻

谷口晴雲散曉光鳥聲呼我渡橫塘輕明獨愛桃花靜撩亂偏  
嫌柳絮狂處處叢祠起簫鼓家家籬落動耕桑去年今日東坡  
路拄杖相將探海棠

酬周亨叔主簿見贈

廬山百里蟠穹蒼絕頂陰雲常下覆晴日天風忽掃除翠壁千  
層開錦繡我來廬山初得君愛君面有廬山秀長篇嶮韻使我  
驚忽獲風流雲散後氣味清新滿牙頰如入洞庭嘗橘柚梅子  
如錢柳絮飛杜鵑哀號山雨晝念君明當京邑行馬蹄蹴踏春  
泥縵黃陂新息道路迥野飯藜羹酒強躡天街到日夏漸熱車  
轂相摩汗如溜丈夫功名非苟取勸子未用輕藍綬山中五月



早歸來澗底清冷當共漱

訪荆國王公

浩蕩經綸志已行北山歸老思冥冥可妨渡水穿雲客拄杖芒  
屨到戶庭

博辯舊聞輕孟子談經早不愧揚雄惠能伎倆元無有還許從  
容廣座中

苦嫌榮祿早收身歸與漁樵共隱淪白下門西山迤邐與來長  
是岸烏巾

謁上竺观音大士

十年江海去飄然魂夢長依鶯嶺邊月地雲堦重到處殷勤稽  
首白衣僊

次韻元翁見寄

十載離群歎渺茫良辰無地可相羊何時却入蓮花社軟語重  
焚栢子香藹藹春風搖几席紛紛啼鳥滿林塘欲憑海燕傳消  
息徑入君家舊屋梁

病中四絕句呈劉景文左藏

一室寥寥北嶺隈午窓孤枕夢初回無端自是風驚竹錯認旁

人問疾來

西風薄木晚颼颼古屋無人夜更幽童子未閑煎藥火隔窓燈  
影漫悠悠

高梧桂月照床頭聒砌寒蟄似怨秋我病尚能安靜默爾曹無  
事苦啁啾



竹裏鳴鴉曉欲飛，遽褰踈箔望朝暉。莫嫌山色經秋瘦，我亦秋來減帶圍。

余初入智果院

蘇翰林率賓客相送者十六人各賦詩一章

泰山屹天下，四海同仰止。我公命世英，突兀等於是。曾中廊秋漢，皎絕微雲滓。當年事危言，軒冕如脫屣。正貴知我希，寧慙不吾以。風雲果再符，六翮挑空起。一昨厭承明，抗章求迺遷。餘杭古雄藩，比屋富生齒。立談政即成，興不負山水。雍容敦末契，訪我頑且鄙。大旆輝松門，禽猿亦驚喜。森森門下士，左右粲珠履。使君道德姿，主角非所恃。軟語如春風，薰然著桃李。今朝真勝事，千載足遺美。安得筆如椽，磨崖爲公紀。

龍井辯才老師新亭

初成有詩呈府師翰林公碑余繼和輒次元韻

遠公吾家傑，道妙非壺丘。德傾龍象侶，白蓋江湖秋。平生經論學，不爲名相留。滔滔若懸瀑，下注萬丈湫。昔年謝講事，衆挽不轉頭。剗心老窩穴，百念本不浮。東南多望士，唯見此老優。翰林天下公，方外寔輩流。旌旗虎溪路，竟日泉石游。衆生病未已，師意可忘憂。

次韻蘓仲豫承務寄伯達推官

蘇子真豪英，氣貌嚴且重。幼無兒女姿，嗜好百不動。唯餘讀書事，乃與古人共。文章造深淳，詞力寬不縱。樂哉賢父兄，道義日相從。昨朝西湖外，目極孤鴻送。高帆去百里，山水乏吟弄。作詩投置郵，但述鴿原夢。

辯才生日



像末真風恐不傳故生豪傑為人天慈航橫截三千界法雨均  
沾四十年獨鶴精神秋始健長松根節老弥堅莫將有物觀無  
象唾霧冰輪處處圓

寄題解頤堂

道人還家今幾時築室構堂名解頤又書三遺要我賦我獨老  
矣何能為塵埃筆研試料理肝肺枯槁源不滋為君苦思強抽  
軋詞慳氣迫無透迤東陽自古號多士文采風流世有之堂成  
往往獻佳句羅列四壁皆瑰奇譬如鈞天已九奏安用擊筑鳴  
參差又如玉食厭方丈葵藿欲進旁必嗤他年但約訪君去借  
君几席聊偃歌堂中插架足書史牙籤玉軸當細窺

送仲豫叔黨二承務赴試春闈

烟烟雙黃鵠雍容振羽儀風高辭澤國歲暮及天池文彩非凡  
近周旋競陸離明年翔集處九萬是君期

同蘇文饒主簿西湖夜泛

鳳唳山頭暮靄空月娥飛出廣寒宮初登桂檝橫湖去似覺銀  
河有路通掠草飛螢星點點眠沙宿鷺玉叢叢從來江搃文才  
妙請付毫端刻畫中

酬錢塘宰王昭叔朝奉

今尹胸中萬斛寬簿書堆案豈相關揮毫手過庖刀疾訪勝心  
同止水閑竹日映簷光破碎雪雲開嶺翠連環自嗟不及匡山  
遠坐對淵明祇愧顏

景文寵示

四月十七日翰林公過龍山真覺院讀拙  
把五言一章景文已和之復使余繼其後



脫略今山簡能吟舊子春偶因尋勝出不爲採芳人紅紫千葩  
盡甘酸萬顆新江雲浮翠壁靄靄散魚鱗

夏夜奉懷景文路分

曾欄霽晚兩餘響猶滴瀝天風吹浮雲入夜已無迹月波泛脩  
竹灩灩流几席蘭膏滅衆炬涼氣滿四壁蕙煙握銅爐暗觸鼻  
端息藜床但危坐萬想本空寂肺肝既冷然紈扇亦暫釋將軍  
不吾期樂事空自得願言賦長謠爲我記旦夕

次韻景文會朱克仁大夫魏敏中朝奉於望湖樓長句

高樓冠浮雲下瞰百頃湖清漪照兩岸秀色含菰蒲騷人富筆  
力領略驚瀆吏短長隨萬象肯議鶴與鳧二客各英妙温温古  
爲徒從公文字飲所樂非歌呼酒酣挹諸山高下如迎趨籃輿

復迤邐遠訪飛來孤炎蒸近亭午天地如大爐石泉飲吾廬快  
意猶過屠松門徹九里始見靈山隅佳名自開皇籍甚聞中區  
幽芳不時艷地勝乃滋濡招提數四海雄觀宜且無歸途憇壽  
星寒碧森萬株蕭騷聒衆響孰辨笙與竽擡眸矚新榜蔚氣  
自殊將軍戀清絕勸客頽玉壺道人烹露芽滿盞浮雲腴儻無  
方外姿未可同此娛

寒食日

蘇翰林同馬中玉提刑過訪  
有詩示怡狀并予次韻之

使君薄珪組富貴良易足一麾下東南千里爭拭目援毫賦山  
水詞力瀉溪谷勝游便杖屨聒耳厭絲竹西湖破春冰曉漲翻  
晴綠相將二使軺導從還屏逐後先度崑壑頽頽追鸞鶴樂事  
殊未央酒行宜局促風流俄醉舞坐客瞻頽玉嵇阮真達生秦



唐謾歌哭斜陽絕湖去兩槳凌波速却尋元龍居隱：隔喬木  
到門呼主人展畫滿高屋夕鼓來遠近雨聲飄斷續藍輿入城  
市夾道鬧燈燭盛事在餘杭他年見圖錄

參寥子詩集卷之六

參寥子詩集卷之七

別蘇翰林

四海窺人物其誰似我公論交容未契許國見深衷漸遠吳天  
月行披禁殿風玉堂清夜夢解后過江東

送景文

交游盡四海厚我乃無幾劉侯軀七尺堂：信英偉中剛冷如  
鐵萬事肯料理相逢傾蓋餘眷：極終始東南久徹警將領用  
儒士三年湖山游屢得陪屐齒長謠傲雲壑草木俱披靡詞鋒  
剗萬象搜索泣山鬼珠璣溢錦囊所得真富矣軒冕本儻來功  
名徒爾耳一屢聞已卜視此猶脫屣歲晚匡廬山高棲踵前軌

贈太守林子中待制



拭目除書下九天邦人爭賀使君賢風流謝守宣城日愷悌龔  
公渤海年終作鹽梅均鼎鼐且憑觴豆樂山川一門棣萼登臺  
省盛事駸：海內傳

照閣奉陪辯才老師夜坐懷少游學士

援鳥投林已寂然芭蕉過雨小樓前雲依絕壁中間破月自遙  
峰缺處圓照坐不須紅蠟炬可人唯有薰爐烟校酬御府圖書  
客疇昔還同此夜禪

贈天竺聰道人

完：明月珠蓄彼萬丈淵徑寸不可覩餘輝媚清川道人實有  
道膠口默不傳心閑氣自和眉宇常藹然邦人昔致師欲以居  
法筵文移動帥府禮數端亦虔冥鴻避網羅矯翼從高騫竭來

靈山隅圓蒲味深禪盛德不自顯與物同周旋兒曹恃文采毫  
末爭醜妍相逢廣坐間肯顧斯人賢茫茫大化中浮名暫腥膻  
吾知道人意反汝生哀憐

送僧遊天台

海邊孤起碧千尋俯仰應酬壯觀心峭壁斷崖當歲晏冷雲踈  
雪上衣襟論懷此日能傾倒尺素它時嗣好音摘勝窮幽吾老  
矣杖藜無復伴登臨

覽黃子理詩卷

六載南官何所營百篇翻覆見高情霜鷗露鵠元非俗雪竹風  
松本自清俊逸固宜凌鮑照優游真已逼淵明微言會有知君  
者謾擬鍾嶸試一評



梅花寄汝陰蘇太守

湖山搖落歲方悲又見梅花破玉蕤一樹輕明侵曉岸數枝清  
瘦耿踈籬良辰易失空回首習氣難忘尚有詩所向皆公舊題  
墨肯辜魚鳥却來期

次韻陳敏善秀才見過

投老形骸真木偶水飲崑栖聊自守世事浮雲日變遷我亦何  
心預臧否故人新自廣陵來問我詩囊近何有吾言淡薄非橄  
攬縱可咀嚼聊能久且開窻戶話平生湖色山光翠相糾烘簷  
暖日氣味好相對蒲團復支肘愛君年少擅才華詩律清妍無  
可醜却愁征棹促君還空聽陽關詞一首

都僧正慈化大師挽詞

領袖吾家事由來二十春虛懷能應物直氣肯隨人逝水流方  
遠臨池墨尚新聲聞雙樹子不見葉間身

贈師允植凡二十年葉間生青如比丘形謂之羅漢木  
師嘗指此語余曰吾不復見此羅漢之生也故及之

育王山大覺禪師以羅  
漢木贈蕪翰林蘇反以

平生輕長物身世等鴻毛譽出東南早人驚節義高玩竒唯水  
石結客盡英豪來往元無迹情鍾謾鬱陶  
伏枕時無幾臨分若故常寸心能炯炯去路豈茫茫車馬門猶  
盛芝蘭室更香獨餘庭下竹冷韻起悲涼

次韻吳承老推官觀開西湖

偉人謀議不求多事定紛紛自唯阿盡放龜魚還淥淨肯容蕭  
葦障前坡一朝美事誰能紀百尺蒼崖尚可磨天上列星當亦  
喜月明時下浴晴波

列星事  
出教中



都僧正既闕子中待制欲余補其位輒辭以小詩遂獲免  
佩德懷恩豈易陳自嗟麋鹿性難馴流年日月無多子乞取山  
林放曠身

送子中待制

翹翹孤鳳凰安巢本阿閣偶來依澤國歸興遂淹泊江山迫歲  
華草木正搖落霜空肅萬里織翳無處著翻然整羽儀一舉在  
寥廓

南山有佳木秀色何歲蕤封植不記年落落今百圍盤根雖自  
固烈風無時吹匠手營大厦衆材得施為偉哉梁棟姿取用不  
可遲

平生長樂公聲華越三紀文章兩京齊學術游夏比螭頭足未

安符竹已屢徙聯翩開幕府爛熳樹桃李鋒車入帝鄉天馬行  
九軌周旋有程度駑駕安足擬

曉發茗溪將次徑山呈通判廖明略學士

明星耿、出天東結束籃輿伴我公藹、梅香侵曉陌班、旗脚  
轉春風勝游此日塵埃外回首它年夢寐中絕景小詩難壯觀  
當看醉筆吐長虹

次韻王行甫奉議湖上晚歸遇雨

妙齡公子嗜遨嬉永日湖山未肯歸酒幟曉人應慣識花枝拂  
帽不須揮輕紈細綺來何處青蓋朱輪去似飛向晚薄雷催急  
雨清寒無奈襲裳衣

同曾仲錫通判游天竺諸山



煌、世胄餘夫子非碌、由腹有詩書所以能拔俗得官本河  
朔瓜期未云促扁舟下東南逸興追鴻鵠遇勝即徜徉風餐兼  
露宿嗟余偶傾蓋一笑外羈束杖策每過從相攜訪山谷春風  
披鮮榮繡錯出林麓松門有時盡幽興無斷續崕轉聞鐘聲林  
踈見華屋銜山餘落景歸路猶躑躅誰云鄴下歡往事不可復  
吾曹二三子所樂亦云足願公紀新詩一、能見錄舡頭行北  
歸囊篋有美玉塵埃京洛人示與洗心目

次韻劉韋孟主簿湖上

劉郎詞筆過蘭成詠遍湖山草木情祿隱太平真樂事莫思神  
武挂冠纓

中流出沒一舟虛緩楫長謠彼自如聞說古來江海上達人多

半寄樵漁

老葑如雲既卷除風瀾百頃翠紆餘竒探險取各爭賦誰復能  
名造物初

遊茗溪道場山

東風吹雨過城闈日照河隄柳映津兩槳差、搖燕尾千山漠  
漠散魚鱗長緣絕境闕幽夢尚喜茲游及暮春蘭蕙未衰桃李  
在蜂喧鳥咽莫愁人

夏夜

松室開孤定褰幃納夜涼嬋娟依翠竹無語過東墻

送蘭花與毛正仲運使

幽姿冷艷匪天饒曾伴靈均賦楚騷今日移根庭下植可無佳



句與揮毫

從來託迹喜深林  
顯晦那求世所聞  
偶至華堂奉君子  
不隨桃李鬪氤氲

夏日竹閣

沈水擢煙青  
繚繞風篁傳韻冷  
蕭騷楚山竹  
簟琉璃滑卧看炎  
雲檻外高

送李仲益赴襄陽幕

襄陽古名都  
雄觀壓荆楚  
醉公誇文詞  
風物繁可數  
嗟余未歷覽  
彷彿已如覩  
人生游宦間  
得此亦佳遇  
李俊妙天姿  
文行兩自負  
少年志冥鴻  
千里輕一舉  
天風不借便  
造物暫淹阻  
既無負郭田  
黽勉依幕府  
賢哉彼方伯  
脫略高韻度  
寧俾簿書役  
朱

墨事朝暮  
爽氣對西山  
清談共樽俎  
試問鹿門翁  
遺蹤今在否

訪勤上人

斷橋蒼壁倚溪斜  
赤葉楓林噪晚鴉  
可怕嶺雲埋徑路  
會尋流水到君家

荅柯山曉上人

風騷古人事而我豈所長  
兒曹嗜章句餘習未易忘  
根源本無有真若夏潦潢  
道人氣拔俗吾黨稱俊良  
十年依叢林實以道自將  
禪餘喜賦詠妙語逾珪璋  
世眼獨未識深叢闕孤芳  
鋒錐必穎脫安肯久處囊  
子宜力自勉聲問終揚  
吾言豈知子老大殊荒唐

送俞伯謨宣德赴辟成都



我生落拓如虛舟，萬里江湖隨演漾。君今祿仕亦我同，南北悠悠無定向。故鄉回首海東頭，兄弟十年官塞上。才高質羨衆所竒，杞梓豫章非冗冗。長辟書交飛上廟，堂肯使須臾事閑曠。秦山崢嶸慙戎虜，自古征人愁悵望。劔門棧閣天下危，去馬來車魂欲喪。羨君年少勇攀躋，足躡青冥身益壯。舊游陳迹想依然，感物懷親情獨愴。

伯謨先公待制嘗為成都漕

次韻文饒同自龍井出資國度泛舟以歸北山

踞席奔犀列萬形，竒觀真已過南屏。縈雲細路杳無盡，落石飛泉靜有聲。十里平湖初卷葑，一天秋色共揚舲。停橈共過孤山寺，寂寂林僧半掩扃。

陪司馬才仲節推諸君游天竺 得青字

西郊久不雨，草木無餘青。薄雲弄秋暉，山色時晦冥。冥超然五詞，客文采披華。星聯翩過吾廬，車蓋紛滿庭。相携訪靈鷲，細路通崑崙。攀翻幽桂叢，衣襟襲芳馨。絕境異人世，吾詩豈能名。諸豪追鄴下，妙語逾瓊英。願言一揮寫，樂事良難并。高空墮海日，歸驂尚能停。

呈丞相章公 時提舉洞霄

大滌仙翁謝往還，蕭然几席奉清閑。胸中舊已吞雲夢，人望從來重泰山。書到鍾王方絕學，文非典誥不須攀。名言一、皆公語，它日親聞廣坐間。

過定林謁荆公畫像

古木蒼藤一徑纏，我公疇昔屢回旋。蕭蕭屋底瞻遺像，傑氣英



姿尚凜然

壁間千字走龍蛇好事何人護絳紗一讀已能生感慨暮簷蕭瑟更啼鴉

次韻曾子開侍郎話別

二紀浮游踏世塵賢愚了見情真行藏不昧如公少細聽名言實可人

抗論儀曹肯折旋一麾江海去飄然他時開府餘杭郡來酌吾廬石縫泉

書夢寄妙懿

妙思堂深路屈盤夜來魂夢忽躋攀道人開戶相迎處宛在脩篁翠霧間

觀恭師詩書以二絕勉之

吾鄉英秀頗能文子復區區慕碧雲請用三多為祖式他時自與古人群

論書當亦似論兵軍律非嚴事不成行伍會須同比櫛出奇方可語縱橫

過鍾山尋俞清老不遇

霜風薄木韻含悲歲晚尋君失後期夜鶴曉猿驚怨歇草堂人去已多時

次韻劉伯昌長官見贈

劉侯詩格殆天全初得西湖紀勝篇錦繡為腸供麗藻鯨鯢作氣吸長川靜依北牖開樽俎醉掃寒梢雜雨煙歲晚扁舟東去



急喜君高調重遷延

次韻法真禪師送曾敬之宣德昆仲

昔與乃翁相遇年始知有子生且賢  
迹來雙幹已爭秀屹欲上參高天  
昨朝較藝偶不售他日奏賦聞甘泉  
方今廟堂喜人物收拾萬彙歸陶甄  
裹蹄麟趾終一出輝映左右無餘妍  
肯學孟生誇得意一日走遍春風前  
嗟余投老隱嵩谷形若槁木心灰然  
扁舟追子僅千里彷彿夜夢遙相傳  
西湖風物行歲晏歸賦梅花趁臈先

送文惠師還金華

脫略紛華自妙年秉心端喜事金仙  
終期象馭超三界不羨鵬程越九天  
考疏窮經心尚壯依仁據德節尤堅  
秋風陡起庭闈

念聊寄脩江一葉舡

證師聖可桐虛齋

吾聞嶧山桐猗：排秀幹栖鸞宿鳳信所竒  
衆木紛：何足筭嗚呼天相彼質復虛彼心故其聲之隱也無闕其動也無留有叩而鳴體佚而休嘉上人之妙齡兮無適俗之卑韻剛有儼於斯桐兮廓中虛以受訓異速成之朝榮兮培益厚而日敏悼像末之寥：兮蹇吾道之不振續芳塵於祖席兮他日非桐虛上入者而復誰何哉

規師方外停雲齋

上人少脫略出處非拘囚停雲倚空端舒卷良自由縱之千丈強歛附拳石幽超遙宇宙間孰與斯人儔銘詩善摹寫居士亦



風流

揭榜作銘皆濂溪居士居士即周元翁也

卜居智果方外以詩見寄次韻奉酬

偶來湖上緝衡門  
桐長脩柯竹有孫  
引策每從佳處去  
望雲橋下是西村

青燈殘篆夜寥寥  
門外秋風振葦蕭  
慚愧高人能見憶  
為余西望立溪橋

次韻周開祖大夫泛湖見訪

漾漾清漪十里間  
西船人似鏡中安  
雨催菡萏幽香發  
風觸蒲萄細浪寒  
高岫烏紗來靜院  
倒揮白羽傍曾欄  
吟毫所遇無遺景  
天乞詞源北海寬

參寥子詩集卷之七

參寥子詩集卷之八

次韻才仲試院夢中書事見寄

夢入秋山知幾層  
霜風吹骨正稜稜  
蒼崖翠嶂難安定  
自說從余授杖藤  
事見才仲叙中

朱甍碧瓦礙雲浮  
共躡曾梯最上頭  
一餉闌干變風雨  
凜然毛髮便驚秋

恠獸胡為出巨津  
昂然激水忽翻身  
魚龍顛願何妨事  
莫作風波謾恐人

一川脩竹映疎花  
川上時聞響釣車  
似到秦人種桃處  
誰知夢斷却還家

崖根鳥窠已先嘗  
從此知君鬢不霜  
應笑吾曹事枯槁  
山中危



坐獨休粮

贈吳子野先生

麻田老仙心烟：少有高風慕箕穎枕流漱石三十年眸子瞭  
焉神更靜忽然杖策海上來至人道妙同塵埃達官貴侯競招  
致往無所欲誰嫌猜迺來一志從吾黨跡與孤雲共天壤曹溪  
有路更攀躋徑躡毗盧高頂上

子野將出家事  
見東坡詩中

送庠上人

點檢行裝拂與巾洒然輕別故山春家：門底長安道舉目何  
須更問津

次韻才仲山行

幕府文書一掃空何妨行樂醉春風想聞笑語千山外正在煙

雲萬疊中哢日鳥聲喧細碎照溪花影靜玲瓏苦吟只恐凋肝  
賢夫子還宜少點聰

與神智師話別

昔我年始壯託身靈鷲峰主人大導師鼓舞揚真風四方依絳  
帳雜還象與龍嗟余於此時已識大士蹤紛：論議場頭角出  
群雄如何三十載慧刃藏其鋒端居肄業地了不為世通途獨  
念西湖聿來將誰從情隨山水遠興與魚鳥同平生方外姿自  
在如冥鴻明朝復回首飄洒一孤蓬

暉：堂

堂上何為絕點埃堂前翠簾掃空塔遙憐薄日暉：靜影入高  
人燕坐懷



次韻高陽陳叔易先生見訪

知君挾冊未嘗閑一志端能事孔顏千里扁舟下吳會眼中收  
拾只溪山

枯槁長專一壑間權豪殊未少低顏風雲他日超騰去莫畏移  
文到北山

曉霽

雲擁茅簷水拍渠曉來新雨過吾廬  
蕙紅宿萼莓苔滿解事長  
揚自掃除

次韻龔堯佐帳勾晨起感懷

造物紛：自變更達人何用較前程  
芭蕉身世榮枯久胡蝶夢  
魂來往輕隔屋想驚銅漏盡開扉  
猶愛玉繩橫應嫌百吏鳧行

進簿領文書與案平

遠齋

為玉上人作

君不見崑崙之河與天通源深發遠人莫窮  
回溪轉壑隨折衝  
未勢演溢流千東：溟無旁下無底浩蕩足以家  
魚龍嗟哉吾  
徒雖好學詎肯著意推所從淵停富瀉有若是  
孰謂世上無豪  
雄法師名齋意且遠張皇幽眇見爾聰  
西來竺書五千軸期子  
歲月加磨礪離騷楚詞亦謾讀  
言語黼黻何必工禪餘習氣如  
未盡時倚澗石吟松風

懷仙閣

瀛州仙人騎皓鶴珮玉鳴風度寥廓  
錦溪南望九仙岑笑指煙  
霞憩曾閣：中清絕無纖塵  
銅鑪著香夜夢真  
平明跨鶴出山



去澗草品花空自春山僧問我人何地今作玉皇香案吏挾持  
造化幾時還搔首臨風聊一喟

華亭道中

白水茫々天四空黃昏小雨濕春風五更百舌催殘夢月到官  
河柳影中

同周元翁著作范明遠秘校西湖夜泛各賦一首

薄雲踈雨作還休白帝撩人巧變秋天地此身均逆旅江湖幾  
番共離憂暮聲斷續鐘連磬夜氣浮沈浦與洲圓嶠方壺吾未  
羨敢煩騷客為冥搜

和元翁

高論每逢賢友生還如講武得奇兵了無鄙吝胸中物尚有風

流世外情破海玉蟾初未躍洒空珠露已先傾回撓轉施行三  
鼓始見波瀾百頃明

和明遠

二客風神瑩石泉解衣同緩夜歸舡已殘巾子峰頭日猶認吾  
廬竹外煙水恠有名殊未見犀燈無事不須然月明幽渚蒹葭  
靜珍重沙禽穩睡眠

次韻月上人秋夜見寄

冥鴻振鷺想儀形數日新秋入夢清丹壑流泉依舊否碧嵒藂  
桂幾時生風來玉戶涼初集露泫銀河色漸清僂俛酬君無妙  
語夜光魚目愧相并

送遠上人還金華



千林脫葉送殘秋一舸南歸興莫留富渚江平非白馬子陵灘  
穩異黃牛吟懷覽勝宜無倦才力如君豈易求他日殷勤為細  
字盡傳佳句到東州

與愚上人宿天竺

夕陽山氣藹蔥蔥路轉松陰復幾重行過石橋人未見數聲先  
聽寺樓鐘

稽留峰北好林泉珍重幽棲得所便栢子煙中能晏坐想無餘  
習可攀緣

霜壓簾櫳露泫條銀河影轉斗垂杓清言共失三更夢錯恨芙  
蓉漏易消

晨起

猿鶴驚呼曉樓鐘動翠微楓林墮清月踈影亂人衣

喜不群不疑見訪

鵲啁庭梧喜滿懷懸知二子下崔嵬山中爽氣知多少半逐風  
流杖屨來

送桐江明上人之都下

窈窕孤雲下翠岑帝鄉閑去本無心紅塵滿眼急回首莫遣空  
山鶴怨深

送定上人還會稽

西風警群木蕭瑟散秋聲病客有歸思孤雲無戀情月當千里  
共人恨四難并苦學誰如子他年在一鳴

次韻劉蔡仲秀才雪後登竹閣



檻前君子舊虚心雲後相看意更深晴日暖風催語鳥翠梢高  
處囀柔音

君看楚嶠聳巔岼圭壁千層間翠嵐山後一峯尤秀拔依稀還  
落剡溪南

次韻黃仲閔主簿見訪游寶雲諸寺

吾廬附曾阿松竹蔚行路平生土木軀羞為折腰具蓼虫甘苦  
澁雖死那求遇黃香諸父賢傾蓋如有素相將山水行所適得  
佳趣觀臺深且靚縞壁懸清句雲巢倚空端下覽宜細頽樓臺  
霽雪初碧瓦塵未浣藍輿指頽景長挹還辭去恍如山陰集俛  
仰已成故重來竟何時相望碧雲暮

蘇世美夫人挽辭

夫子剛中早數竒閨門高節聳當時淵明晚欲歸三徑德曜能  
從賦五噫不見萊衣華髮事空驚薤露昔人悲故知造物酬陰  
施玉立諸郎富白眉

重居夜坐懷蘇伯達昆仲

狂風吹林聲怒號隔垣洶洶如秋濤夜闌稍覺群動息星斗挂  
簷霜月高東隣書生勤且勞粲然文采真鳳毛想遙下帷應未  
寢短檠相對課離騷

慕容居士雙柵軒

陽羨溪山名浙右氤氳淑氣無時有遂令比屋慕絃歌甲第殊  
科爭捷手先生讀書三十年數竒不偶真可憐閉門陋巷聊自  
隱簞瓢屢空心晏然南軒前頭兩佳木先生撫玩長不足尤愛



薰風五月初白銀開花光照屋故人邂逅相逢遇指點婆婆索  
新句君不見少陵杜叟有長吟莫作凡材等閑賦

次韻蘇端定武雪浪齋

孔明氣宇白玉溫忠義勇決踰王尊葛巾羽扇傳號令塞垣徹  
警無塵昏良辰往：挾將佐射鵬走馬循煙村歸來飲酒坐堂  
上賓從如雲填戟門一朝郡圃得奇石雪浪觸眼驚神魂旁求  
蒼珉琢巨斛偃然卧土知無根三牛曳歸置堦圯錯磨不許留  
纖痕興來作詩寄臺閣雄詞妙筆爭考論將軍今謫窮海外會  
見曦娥窺覆盆殷勤寄語朔方客佳致勿毀宜長存

無為堂

無為豈不動無念非剗心至人均道妙與物相浮沉青銅一寸

明萬象了自分何須苦機械擾：亂冲襟晴窻馥煙篆衣袂蒙  
餘薰超然曠士懷所得踰古今

示法穎

兒曹汝既識薰蕕卓犖應須力自修一志徑從齊客語萬端無  
受楚人咻卑飛燕雀宜深遠高舉鸞凰可並游莫負謫仙當日  
語十年名譽滿東州

清聚軒

之子吟懷欲稱情故穿幽沼瀆清泠儻逢來客議深淺但道淵  
源通北溟

次韻曉師見別欲游京洛

春波漲南浦霽色媚澄鮮扁舟駕兩槳行矣子所便岸花開迤



灑紅紫交相妍詩情發浩蕩輸瀉萬壑淵清新逼庾信雅健追  
樊川相儔得鴻鵠翔集固超然衣袂暫塵土他時洗雲泉幽姿  
復炯不羨玉池蓮

游徑山懷司馬才仲

柔桑蔽野麥初齊布穀催耕雨一犁略約時橫溪上下薔薇間  
發水東西重尋勝處追前賞無復斯人手共攜回首春風增感  
慨綿黃鳥更悲啼

雲巢

環湖相望百招提高棟層軒亦屢躋未若道人基構勝闌干清  
與白雲齊

九江秀色可攬結謫仙愛彼巢雲松寂寞風流三百載此軒奇

觀躡前蹤

碧瓦朱甍冠翠微鬱葱佳氣繚窻扉人間塵土紛阡陌不到藜  
床燕坐衣

清明日湖上呈秦少章主簿

水邊花霧曉氤氳春入西湖兩岸深冶葉倡條他自媚朽株枯  
木我何心鞦韆索轉朱接角博塞聲喧碧柳陰年少故人方感  
際未應從俗強浮沉

時少章  
喪耦

送誠無上人還洞山文禪師席下

上人妙齒遺樊籠嗜好豈與稠人同品棲水飲有餘裕期以至  
道超鳴蒙少林人亡僅千載末路鼓舞誰為雄江西老禡真墮  
士蟻趨雲合爭所從羨君伏役事且久誠專志苦迷春冬心珠



磨錯稍精瑩彷彿水月含冲融去歲扁舟下吳會溪山勝踐情  
所鍾芒屨竹杖霜露入始知節物徂秋風朝來吳盡挽不住翻  
然又逐南征鴻它年相逢定廬岳與子終老巢雲松

燕默堂

萬彙乾坤裏誰何識道真喧卑憎末俗燕默羨高人漏轉芙蓉  
永香銷栢子頻他年揮玉麈堂上挹芳塵

送嚴上人還永嘉

道人出處孤鴻倚詎肯低回受羈絆飄風轉日歷九州不羨騎  
鯨游汗漫我生與君幾相逢窮幽摘勝時乃同胸中妙道未容  
扣又引高興辭秋風君家住在孤嶼側此別何時見顏色欲識  
相思一寸心冷月依一挂空碧

吳門獄中懷北山舊隱

江湖堂北是吾廬繚繞杉篁蔚有餘欲問山中近消息鱗鴻不  
寄獄中書

誅茆投老卜栖遲雲雨相翻豈易知夜鶴曉猿休悵望回車復  
路可無時

數畝檀欒古道邊亭氣縈上參天未應霜雪能摧抑不用行  
人歎可憐

東崦扶疎一樹梅繁英辜負歲時開殷勤寄語蘭兼蕙他日春  
風我亦來

甘冷宜茶石縫泉得名初自玉堂仙蒼苔滓穢聊疏治照月涵  
星復粲然



一徑緣雲入壽星竹間窈窕見踈櫺闌干數曲觀臺上幽草靚  
花常滿庭

吳門有懷錢塘何彥時仙尉

英妙何郎蘊德光不隨人世事炎涼麒麟步武開天上他日青  
雲道路長

英游閣前官柳行柔枝嫋弄鵝黃多情春色還依舊獨有離  
人天一方

湖岸茸細草生芳洲杜若想縱橫去年問柳尋花地誰伴穿  
雲渡水行

劉咸臨秀才挽詞

道源學士之子

劉子江南英韻勝不友俗閉門誦詩書戶外無來躅昔我寄匡

山崑扉屏幽獨君聞跨蹇驢迢迢訪深谷忘懷去畦畛結好比  
松竹浮雲事忽空逝水難再復徒有篋中文千秋成鬼錄

異材擢陽阿秀色方蔚然侵尋掩衆阜屹屹上造天驚飈忽摧  
殞中道虛棄捐顏淵古稱天道德今獨妍何求擁腫爲無用徒  
永年

平生本家學耻作干時語著書以愚名綽欲慕前古紛紛詆迂  
闊默默君自許弱齡詠風騷其詞哀以苦先生歎竒作壽達終  
難與果爲冥冥游一往不可覩

吾希李長吉異代不得友賴餘錦囊篇把玩時在手斯人君並  
駕未易較先後肝脾裊陽秋落筆粲瓊玖當年邂逅初宛在三  
峽右相携石橋行下瞰冰雪溜音容俄永隔山月空依舊銘詩



得黃香知子垂不朽

贈霍山人

先生少年喜武事三略六韜曾徧閱  
胸中雲夢吞八九氣勝萬夫真  
勇決防邊伊昔從都護欲取功名  
繼前列臂弓腰箭事戎裝遠出砂  
場恣游獵擒狐射鴈狂且逸不覺  
歸途迷夜雪敗官遭譴失所志回  
首飄然辭魏闕挾持妙術當生涯  
放浪江湖閑歲月尋常得錢即沽酒  
笑與妻奴同飲啜樂天知命了無  
憂奕奕紅顏浮兩頰春風浩蕩魯  
城邊稠花亂蕊爭紛妍方將與君  
共携手騁懷游目相回旋興來別  
我汶陽去黃鵠一舉難留連  
村橋野店醉斜日路人誰識地行  
仙

參寥子詩集卷之八



程